

近代中國史料叢刊續編第五十六輯
沈雲龍主編

民權素

蔣著超編

第十四、十五集民國五年一月二日

文海出版社
有限公司
印行

蔣著超編

民

權

素

(九)

民國五年一月一日

文海出版社有限公司印行



寿

四

十

成

寿

山

壽

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



民權素第十四集總目

名著

藝林

遊記

詩話

說海

談叢

諧藪

瀛聞

劇趣

碎玉

總目

名

著

周浩題



名著目錄

夏日重修火神廟碑

哀韓賦

湘雨樓詞序

清德堂印譜序

振素菴詩集序

藝圃圖序

劉母余太夫人六十壽序

祭于大兄晦若文

北魏石刻流傳及近今書法眞贋攷

始皇築長城論

與友人論五言古詩書

目錄

申 叔 太 炎 壬 秋 魏 羽 象 升 起 予 遜 儉 石 甫 頌 予 佚 名 觀 况

集 四 十 第 素 權 民

目
錄



名著

夏口重修火神廟碑

申叔

古有神祇類物之官是為五官生為上公歿為貴神粵在顯垣黎為火正天挺應期昭顯光明炎熅之德與元通靈是能焯曜天地生柔嘉材列受姓氏號曰祝融以及吳回世弗失職鄭守其墟周弘其祀流隨里俗承祀无替夏口故有神廟代遠祀廢宣統二年龍集庚戌耆老大夫相與議曰盛德在火其神祝融按禮載記太史公書吳回生陸終陸終六子辛所自出惟神明光上下勤思四方誘啓後人實有照德聰明和協光啓南服江漢之野星質楚分反本追遠禮亦宜之爰因舊宇興業會工起堂立壇繕完以時火中宵見恭肅奉敬神享其靈黎儀頽康利茂萬物災害不生相與刊石樹表以照神休詞曰

猗歟蒸哉休德昭明便秩南譌執矩宜乎五行調列三辰效精重明麗正天下化成丕顯奕世基我南荆江漢湯湯翼翼重堂神之格思厥靈洋洋赤牖解駢朱雀參衡欽我明德自天降康火無燿災天無愆陽朱明阜昌萬物充盈載膺休祉百福來誠

哀韓賦

太炎

橫覽兮夏王之九州極目兮徼外之層丘黃鶴標標欲高帶兮喬木斐然而蔽之國土狃狃為甘城兮世族當路而萌之故野不可有喬木兮國亦不可有世族惟放勳之焦曉兮四凶終其天祿彼葢爾其彈丸兮故朋游以譁

名著

名著

世。雖。君。王。之。好。謀。兮。塞。亂。流。其。難。濟。初。禍。發。於。宮。隣。兮。卒。成。此。金。虎。伊。斧。柯。之。不。修。兮。雖。簡。書。其。何。補。窺。竊。倨。牙。而。在。傍。兮。周。狗。導。夫。先。路。廟。社。廢。以。塗。地。兮。名。宗。固。如。故。念。昔。明。王。瓶。顏。而。憑。怒。兮。蝶。血。豪。家。棧。之。以。荆。楚。故。蜀。竄。李。寥。兮。秦。夷。摻。呂。公。且。仁。而。辟。管。兮。中。宗。諒。而。殘。靈。肺。府。固。已。祝。傷。兮。必。國。命。之。可。度。彼。決。志。於。重。泉。兮。其。毒。太。苦。死。不。可。趣。兮。奔。走。淫。淫。之。無。徑。路。孟。賁。不。可。輓。其。素。車。兮。兒。說。不。可。解。其。尺。組。豈。一。都。之。足。傷。兮。懷。吾。傷。於。天。下。

湘雨樓詞序

王秋

詞盛於宋南渡至今蘇杭滬染其風吳中猶有北宋遺響越中則純乎南音數百年來浙人詞為正宗天下莫勝也至本朝二百餘年共推容成若吳毅人則北人幾奪浙鹿矣朱竹垞亦浙人而尤自信其詞既選詞綜又作詞話其詞稿率多點易再三斟酌自以為盡善然觀其所選汗漫如黃茅白草其所作乃如嚼蠟浙詞之木者也未為浙派也湘人質質宜不能詞故先輩遂無詞家近代乃有楊蓬海與雨珊並驅闖運不能驟斬也王益吾自負宗工乃選六家詞五湘而一浙欲以張楚軍益吾雨珊昆弟交也余不能詞以文張揚亦時示筆而酬唱之作無多及蓬海先殞雨珊繼逝益寂寥矣蓬海畜刻工有作輒付印行雨珊亦有書局願不肯刊己作詞稿叢殘多不可辨有類於竹垞手稿其子仲貞鈔集成卷中有疑字未敢寫定則空闕之余以為非子刻父集所宜屬其以所知見存焉而加墨識因並論天下詞以諗知者詞之工妙覽者自得之非私所贊賞也

清德堂印譜序

魏羽

夫玉券十華。為金匱石室所深護。河圖一畫。寶湯盤禹鼎所由開。縱懸橫低。西摩東相。如秦盃。高如西尊。辨是以搜。八寶於靈圖。龍威閣。秘括三。芥於冊府。鳥篆成文。皆所以妙思。六經。遺造。百代也。長沙周子。系濂溪之後。鍾衡嶽之奇。潤古雕今。懷文抱質。峯登委宛。發神禹金玉之編。奎主文章。仿史韻。龍興之字。遂乃書六體。燕三。疵。鑿。秦碑。追晉。籀。文。分。朱。白。章。判。丹。黃。以。井。為。闌。屈。鐵。作。筆。其。能。曲。能。直。也。如。吻。螺。一。碑。風。雨。形。摹。乎。蝌。蚪。其。或。圓。或。方。也。如。岐。陽。十。鼓。煙。雲。象。蝕。於。蛟。龍。其。縱。橫。排。宕。瘦。硬。通。神。也。如。鍼。懸。垂。呈。其。異。於。蟲。書。鳥。跡。其。博。大。昌。明。清。矯。拔。俗。也。如。天。開。地。闢。窮。其。奧。於。龍。索。龜。絲。俱。足。獨。標。正。宗。別。裁。僞。體。從。吾。所。好。金。一。刻。畫。臣。能。為。畜。君。何。尤。彝。鼎。圖書。自。典。重。流。執。體。素。願。虎。頭。因。之。作。書。正。午。杜。丹。李。龍。眠。琴。而。入。畫。縱。起。崔。瑗。於。九。原。擬。楊。冰。之。四。法。墜。乎。後。矣。蔑。以。加。焉。僕。也。智。乏。雞。碑。識。同。蠶。管。蒙。問。道。於。如。旨。之。馬。遂。被。繚。於。不。文。之。轅。觀。示。宏。篇。屬。疏。短。引。夫。焉。有。所。倚。惟。士。為。能。而。必。為。之。辭。則。吾。豈。敢。

振素菴詩集序

象升

自余束髮受書。即嗜聲韻之學。間有擬作。輒稚鈍。弗能工。然泛覽既多。於漢魏以迄國朝諸作者之流派。得失亦畧能言之。稍長。訪求當世所號為工於韻語者。往往獲之於報章。然讀其詩。則豪悍而不受律者。居半。心弗以為善也。梁溪蔣君伯寅。始亦以詩見稱於各報。而余顧未之知。丁未秋。君客遊太原。與余居僅隔一舍。閒往過之。

名著

三

名著

四

見。叢。稿。積。案。上。殆。滿。拾。一。二。紙。讀。焉。則。其。詞。多。驚。絕。可。喜。者。因。與。縱。談。詩。道。升。降。流。別。蓋。十。而。合。者。又。七。八。焉。余。狂。喜。以。爲。平。生。所。見。詩。人。未。有。過。於。君。者。也。自。後。往。來。日。密。因。得。讀。其。振。素。垂。詩。全。集。於。君。治。詩。大。旨。益。有。所。窺。見。蓋。君。之。詩。以。格。律。爲。先。而。與。世。之。主。持。格。律。者。有。異。君。之。言。曰。天。下。所。病。於。明。七。子。者。曰。廢。擬。剽。竊。也。今。誠。效。吾。之。情。實。而。神。明。乎。北。地。信。陽。之。法。以。行。之。其。於。返。古。也。何。難。彼。從。擬。嫻。之。體。而。輕。誣。七。子。者。非。也。然。而。又。有。以。昌。明。七。子。之。學。自。標。者。矣。卒。其。歸。乃。與。擯。斥。七。子。者。同。爲。大。方。所。笑。也。則。逢。掖。迂。緩。之。貌。不。足。以。禁。遊。俠。而。制。姦。雄。也。是。故。由。前。之。說。其。失。也。爲。流。易。山。後。之。說。其。失。也。爲。庸。庸。於。斯。道。均。無。當。焉。吾。則。不。然。必。先。繪。之。以。華。韓。之。以。力。而。後。沈。深。厲。刻。以。出。之。庶。乎。李。何。王。李。之。宗。風。不。墜。歟。余。聞。君。說。而。大。竢。焉。以。君。之。說。繩。君。之。詩。又。無。往。不。合。焉。君。信。乎。其。爲。詩。人。之。雄。者。耶。雖。然。詩。者。君。子。之。所。有。事。而。所。必。以。爲。身。心。性。命。之。學。也。君。亦。豈。有。所。不。自。聊。賴。者。而。姑。自。託。於。此。耶。君。負。才。尙。氣。肝。肺。槎。枒。於。人。世。名。利。委。瑣。之。途。夷。然。不。屑。也。早。棄。經。生。業。治。歐。語。甚。精。久。游。燕。薊。其。詩。益。雄。奇。健。踔。與。其。所。歷。邊。塞。風。雲。相。吐。吞。慕。君。名。者。輒。抄。君。詩。刊。載。報。章。以。相。矜。示。而。君。固。卓。有。本。原。非。近。日。號。爲。作。新。體。詩。者。所。敢。重。也。余。比。年。習。爲。攷。訂。博。聞。之。學。於。爲。詩。不。復。如。前。勤。獨。時。好。悅。之。耳。雖。引。君。爲。知。已。而。余。所。作。則。未。有。一。二。可。以。殆。庶。於。君。者。茲。承。君。囑。而。叙。君。乃。本。其。平。日。所。聞。於。君。之。言。稍。論。列。之。如。此。讀。者。能。藉。此。以。知。其。微。指。所。存。言。之。不。克。蹈。之。固。不。足。以。主。持。一。說。以。其。道。爲。天。下。易。也。

藝圃圖序

起予

在昔抱甕灌園陳仲子雅稱廉士閉門種菜劉豫州本是英雄儼如善米常餐記傳家之清白還是邪蒿務去嚴
非種之誅鋤則有玉爾先生錢江遺逸春雨周頤之韭秋風張翰之純李同顏子之稱葵擬公侯之拔盱衡時勢
落拓江湖挑呼椎髻之妻儼待蓬頭之子携鋤背日荷鐮迎風嗟故土之瓜分歎半生之匏落時則翠痕葱倩綠
意扶疎既不害於三時更兼收夫六利草廬憑眺猶存處士之風蔬譜流傳可列高賢之錄臨作徑抽棘爲樊
於以種秫田間栽桑屋外卓爾羲皇以上脩然懷葛之遺落落高風翩翩雅致獨念託身農圃娛志溪巖半畝青
添一畦黃氈披從董相亦有竹林繁露之書詠到劉安不須桂樹小山之作知此中大有佳趣團寫丹青何許子
之不憚煩詩徵元白用疏短引且賦長歌

劉母余太夫人六十壽序

遜 儉

夫不歷虐雪襲風之境無以別勁草之奇不經斧刃羅殺之華無以驗貞松之貴自來閩娃珍擬祥女惠心騶芳
矩於佩形體崇規於篆素未有不暖姝其志翰錄其躬而能表南溯之芳猷流中閩之淑聞也故髦髦以考祥祥
必大貞貞以徵福福必多值設蛻之令辰擬抽毫而晉祝宜張皇邸用當懼鐘恭維劉母余太夫人作配虎臣系
分龍案玉華早映二七卽解裁衣觚奇幼操十三原能織素逮雞晨而奉盥族頌姬姜當鵲夕以牽絲人推尹媪
時則振威將軍劉公汝臣緯蕭食苦須撻棲貧臥共牛衣蓬藜之琴夜引吞來繭紙甌鬲之熱朝生太夫人則苦
閱茶心勞經棘手初七上九家自守其荒莊五角六張禮不愆於內則及將軍執瑠戈而作健轉玉塞以領軍虎

將名馳。龍光寵大。太夫人則小戎知義。女子嫻軍。併申同仇。刷金箱而斬秣。撤環練士。漑黛梳以傳餐。而且盧鹿在腸。慈鳩系念。俘略則戒。全士女等借笠之必。誅樵蘇則護及。桑麻囑拔葱之勿。宥將軍屏藩甌水。節鉞海疆。則又和鼓。以房敖。取韜鈴爲膏沐。身居巾幗。材擅干城。或散軍則捐珥以餉師。兩甄穆若。或訊賊則贊夫而解網。四野懽夫。或習水戰而練軍。勤伏波樓船之製。或避炎官而置具。收郭憲噴酒之功。他如鈴。而分潤窮檐。憤地。黔粥。圍闕而平。章荒政。常指魯。因平易。道途金。願分而不吝。曲全眷屬。銳將破而伊。圓以及室。作平泉不忘。桑梓。堂開。寶錦。知戀。粉榆。免作。寄公。卽一塵。而願受。勸無。遷地。幸三徑。之未荒。三沼。五亭。自成。修剝。九柯。十匠。悉代。指揮。凡所以成。夫子之勳。踵前賢之績者。靡不動。諸內助。贊自香。閨若尤難者。將軍效節。西郵。致身。王事。忽遭。陽侯之厄。遂覆。周氏之汪。杜。幾。竟溺於膠。船風。驚。鄧。下。吳。漢。莫。援。於。馬。尾。旆。返。荆。門。太夫人憾。欲。摩。笄。身。將。化。石。愁。看。故。劍。坐。奠。室。以。無。言。慟。惜。灰。釘。亡。簪。簪。而。誰。問。單。臯。寡。鶻。擔。有。千。鈞。畫。荻。折。雙。孤。才。六。尺。既。兼。父。訓。又。助。師。資。凡此。世。離。悉。成。緯。斯。卽。鬢。眉。男子。袴。褶。健。兒。未。有。不。舌。纏。而。口。張。智。盡。而。能。索。者。也。又。況。階。前。玉。樹。初。有。旁。株。堂上。萱。枝。或。嫌。異。本。太夫人。學。鳩。鳩。之。平。一。撫。嘉。鷄。之。鑿。媿。蘆。絮。無。衣。篋。裘。并。飭。亡。何。山。桂。之。別。枝。竟。隕。更。痛。喪。子。喪。子。階。闌。則。旁。砌。先。凋。空。言。類。我。類。我。雖。聘。母。居。於。苦。縣。鷄。兒。逼。上。愁。台。方。斯。悵。悵。殆。有。尤。焉。乃。太夫人。收拾。迴。淵。扶持。幸。草。踞。評。庭。誥。整。飭。門。風。齊。縷。秦。箏。雜。書。聲。而。上。下。男。錢。女。布。共。鑼。鼓。以。經。營。而。且。課。兩。催。耕。凌。晨。煮。糲。播。三。田。之。種。開。上。巡。觀。庶。七。月。之。章。房。中。屬。和。至於。刻。魚。入。饌。束。脯。爲。儀。延。佳。客。而。留。餐。肅。名。師。而。煥。講。固。又。屏。

當蛙菜。竭蹶盤殮。處貴寵而不矜。與貧寒而均禮。凡斯懿行。允昭母儀。豈不載入縹緗。宣文比烈。被之絃管。淑女同風也哉。今日者。閔闕如前。門楣若昔。猶復茹荼耐苦。倚竹忘寒。薄華錦之裝。守蒿簪之素。是以今嗣君某。昆季。既頌人之懿訓。懷家督之芳儀。犀角麟瑞於眼中。可覘強台直上。鳳毛斐妮於池畔。定卜健翮高盤。當桃獻。璇帷雲。璇曲奏。正筵開。珂里青鳥飛來。太夫人傳九醞之觴。聆千秋之祝。婆娑其際。樂何如之。某穆行。既聞久傾。飛耳。微言難闕。特走頽毫。雖云奏瓦。喧匏。聊當評松頌柏。此日金管銀管。斑竹管。固難罄少女之風。將來大書特書。不。一書更看續壽人之曲。(乙)

祭于大兄晦若文

石甫

嗚呼。大哉。死乎。君子休焉。既傷逝者。行自念也。庚子之日。集鵬鳥於長沙。辰巳之年。厄龍蛇於高密。桃生。羊。死。槍。卅六年。患難之交。李怨。牛恩。廢廿四史。朋黨之論。痛哭喬公之墓。斗酒隻鷄。追答劉侯之書。尺波際。駟驚白蜺之。嬰菲歌。朱鳥以招魂。我大兄晦若于先生。品邁堯峯。節齊舜水。九死終完。乎髮冢。一生不累。乎眉樓。見宋太祖而。鐵棒無憂。對明思宗。而金盒不愧。汗青所照。蒙素難殫。但論私哀。亦披縷述。回憶庚辰初識。乙酉再逢。從大峨之。看雲。迄膠島之對月。君憐我者。在羊腸魚腹。猿臂蛾眉。我悲君者。在蛇足虎鬚。龍髯馬角。寒山早借。拾得北海能。念孝章本非酒人。有青竹成神之謔。頗同石友。記白首同歸之言。昨夜星辰。猶照嚴陵。灘瀨平生。風義遽哭。劉賁。寢門季心。失絲。伯牙絕絃。能不經天。淚傾三步。腹痛也。耶。往日雲龍。而今風馬。臺成。應教。庾肩吾。銅。登。秋。衾。昌化。

名著

八

行歌蘇內翰玉堂春夢廣陵散於今絕矣何況山中天半之風鶯華亭嘆可復聞乎誰爲日下雲間之龍鶴長空孤雁知兜率之蹄真披髮騎麟倘大荒之來下依然綠瓜朱李無異溱濱舊遊宜用青荔黃蕉以配維池新祀尙襲。

北魏石刻流傳及近今書法真贋攷

頌 予

北魏一書胎息乎鍾衛結撰於崔盧非不卓絕一時足爲後世之圭臬惜乎年湮代遠而其體已不可得矣今之學書者往往歛側其體長短其勢故爲詭異之態一人倡而百人和相沿既久乃謂詡然示於人曰吾北魏也試問北魏之善書者何人則皆瞠目不能對其稍有知識者亦不過曰吾學鄭文公也吾學雲峯山白駒谷鄭道昭諸碑也詎知考厥魏書則義與子道昭在當時並不以能書名而當時以書法傳家初間有崔盧二氏後則有劉芳江式等人而石刻絕不一見其有石刻流傳者如孫秋生等二百人造象記爲蕭顯慶書洛州刺史始平公造象記爲朱義章書而正史又不載其人嘗竊求其說而不得復考之魏書則北魏之世書法競推崔盧而崔悅法衛瓘盧諶法鍾繇俱習索靖之草書並未嘗自爲一體乃恍然於今之所謂北魏者大率爲後人所僞託故江式表云魏承百王之季紹五運之緒世易風移文字改變篆形謬錯隸體失真俗學鄙習復加虛巧當式之時已有此語則北魏之書本無可取特後人才力不逮古人因創立一說以欺世耳夫北魏豈必盡不可學乃必欲故爲詭異使人卒相詬病嗟乎是豈北魏之過哉亦學北魏者之過焉耳而猶造誑語以給人曰吾北魏吾北魏是異

以警視人也。且不獨以警視人，即於己亦以警自待矣。豈不大可異哉。

秦始皇築長城論

佚名

禹之治洪水也，使禽獸不得而偏人。始皇之築長城也，使蠻夷不得而亂華。禹之功在萬世，始皇之功亦在萬世。然後世之人頌禹之德而惡始皇之暴者，何也？蓋禹之治水也，非爲一己計也；爲天下計，耳。爲天下計，不惜以一己之勞，易天下之勞，且不惜以萬世之病，而爲一己之病。故人皆頌其德，美其功。若夫始皇之築長城也，則誤於慮，生亡秦者，胡之一言，築長城以限制匈奴，爲一己計耳，而非爲天下計。不惜以天下之勞，易一己之安，且不惜以天下之勞，固萬世之業，則始皇之築長城，卽始皇之暴政也。昔黃帝之作弓箭也，以之衛民者也。而後人有以弓箭毒人，且有以弓箭而亡人家國者，卒不聞以黃帝爲不仁者，是何也？蓋以黃帝有衛民之心，本無厲民之心也。雖一日而殺百人，而君子猶謂之曰：仁。始皇之築長城也，始皇以之厲民也，而後世有以是城而卻敵者，而卒不聞以始皇爲仁，則以始皇本無衛民之心，而徒有厲民之心也。嗚呼！秦之亡，非亡於匈奴，而實亡於厲民也。亡秦者，胡天殆使之誤，會其旨以失其民心歟。

與友人論五言古詩書

觀況

接來書，知近方有事於五古，甚盛甚盛，觀況庸愚所知無幾，又奚足以爲閣下道。然既承諄問，敢不傾忱一吐於執友之前。竊謂五言之詩，始於商頌，盛於建安，蓋當兩漢之世，雖騷人墨客，詩罕五言，惟樂府諸歌，誠以其爲根

本三曹繼起大都以樂府爲多孟德之作十居八九文帝陳王亦復強半因樂府之盛而五言斯工故其公譏述
懷贈答之詩亦遂以五言爲之同時羣賢又復轉相師法風尚遂爾大變以至於今猶縣縣也然古詩十九首雄
偉遒勁難得其神曹氏諸作亦能警拗獨造但偏於遊宴之作王劉潘陸之徒或氣盛意正而上通於古或清麗
坦白而風骨內遒意之所到詞或未修苟無其才則徒得其貌而遺其神竊其表而失其骨將委靡不堪矣惟阮
之詠懷情真而詞警氣雄而感深殆賦中之離騷五言之最可法者也太冲詠史景純遊仙景陽雜詩康樂山水
皆格高聲響亦可師而淵明之平淡自然毫不著力雖與嗣宗不同而觀其飲酒歸田園居擬古詠貧士等首
則其寄託之遙深胸襟之博大實有異乎流俗而深入聖域與嗣宗異曲同工皆爲登峯造極之五言可法者也
六朝以後惟李白杜甫之五言格老氣蒼雄奇處且有遠過古人處然仍攝六朝之精華特以大氣變化出之耳
初學豈易哉閣下天性恬淡頗似陶公欲學五古曷卽以淵明爲權輿乎鄙見如斯尙祈酌裁並希賜復焉

品藝林

刻史



詞

黃 孟 樊 壬 箸 蟄
節 幼 山 秋 超 慮 目
錄

一	二	一	一	一	五
首	首	首	首	首	首
	愚	權	春		南
	農	予	生		邨

一	二	二	二
首	首	首	首



藝林

詩

寄懷王漱巖沈半峯

李經羲

南來一雁送新晴。迢遞關河別後情。負手棋枰愁日暮。馳心帆鳥逐風輕。先生有酒直須醉。老婦無家莫問名。羨煞寒山黃面佛。低眉笑口不開聲。

秋夜

太炎

中原亂無象。被髮入蠻夷。忍訴既三歲。裴葛從之移。秋風起初夕。大火忽流西。登樓望舊鄉。天柱亦已頽。夔屈徒為爾。垂翼思于飛。誰言樂浪樂。四海無雞棲。安得窮石君。彈日淪溟池。草木焦以黃。桂樹猶萋萋。將非天帝罪。金版資束紉。夏氏竟何罪。種類將無遺。昔人瞻周道。中心猶惜悽。何況阻海波。咫尺不可躋。邦家既幅裂。文采復安施。先民固有作。終恐遭熾煨。孤憂亦奚濟。魚爛會有幾。及爾同沈淵。又恐罹蛟螭。願言息塵勞。無生以為師。

乙菴書來以無詩為望率賦三章却寄

樊山

詩如聲在琴。笛中不彈不。壓同啼。鐘公以書來。發其蒙。有懷欲吐心。忉忉黃金散。盡還北走坐。使籠鳥慚冥鴻。大夫七十當致仕。我猶乞食顏。為紅出山徒。為孺子牛。入世非復老子龍。杜門坐耗太倉粟。豈是平生稽古功。屈賈幽憂竟何益。城南聯句聊相從。河梁一別冬徂夏。梅黃可替麥。受葉當食不御。望南斗長吟。忽作鳴秋蟲。答詩提

藝 林

疾逾響報君其柯亭之竹暉陽桐

二

待君常在師友間。結交三十有六年。其年庚辰君始雋龍鶴相從由茂先。(謂越縵師)書生不意俱顯達。江皖上下開雄藩。國變相將入夷落。淞波照見雙屏顏。樓居二老得仙意。浮邱笑拍洪崖肩。君詩常悲我常樂。杜陵何必同香山。陳(伯嚴)楊(子琴)兩賢。晁張亞遂開吟社。擬月泉古人年。進才或退以例君。我殊不然齒髮固。知有衰白才筆。甯復愛枯乾。世以類唐薄老手。良由浮靡亡根源。金丹九成何生滅。喬松千歲逾蒼堅。斯文墜地望提掇。我曹豈得職其難。君不見姚許入元振。墜緒慙遺諸老甯。非天

君言暑退將還東。秋色不如歸意濃。老鶴重認秀州郭。閒雲自繞姚埭松。兩浙地志議纂輯。得公秉筆過孫洪。聖湖修書駕湖住。雨荷風柳環儒宮。我亦濫竽清史館。老懶甯作鈔書傭。三唐五代判新舊。逆知後有歐堯公。茲特太平御覽例。人才十國歸牢籠。漢初諸儒。侃欲死求書久。乃煩陳農蒲輪安車走天下。所不能致。惟二龔君不北來。我南徙待秋擬涉。然湖水牀頭屋漏檢。新詩亭角斜陽。尋野史。汶寥天地無幾人。頭白汗青須料理。相逢蔬飯細論文。翠杯對壁瓦瓏子。

樊山先生賞余所作禁中秋柳疊韻詩。別用他韻賦四章云。效余體

幸愧交並輒依題依韻和之再乞教削

石甫

斜陽無奈總相依照。見樓臺甲帳非三月。雙眉思鏡國六朝。半面比徐妃。南遊隋剩殘鴉。在西望唐僧信馬歸。津

似當年未央殿。寂寥宮監掩金扉。

幽香落盡桂叢叢。太液波光冷鏡中。玉珮幾回捐北渚。珠簾一樣捲西風。土花已老千年碧。霜葉還遲二月紅。怕聽鳴彈聲不斷。漢家三十六離宮。

昆明煙水似淮瀟。錯把南朝染北朝。螺黛鏡中痕略澹。鴉黃衣上色猶嬌。三分愁與三分病。第一眉兼第一腰。腸斷樓東描葉句。殘妝和淚污紅綃。

託根幸傍九重門。不向青衫濕淚痕。見慣瓊肥兼燕瘦。送完李怨與牛恩。三眠莫便忘三起。萬子還看到萬孫。付與宮牆聽笛客。銷魂吟到碧雲昏。

焦山松寥閣夜坐

俞恪士

月黑樹蒙茸。鶯鶯入窗裏。團團一山霧。江勢來不已。檻外燈忽明。舳艫走千里。我亦東西人。往來送江水。滔滔有今日。惜此中流砥。掛眼山無多。到海吾衰矣。僧寮細床平。濤聲在席底。傾耳來唾情。平心得坐理。始知倚樓時。妄念雜悲喜。羅徑非不深。真隱人有幾。

秋感

黃節

秋葉淒清秋草黃。蕭條孤館對斜陽。鄉關萬里空回首。人世多情卽斷腸。有限光陰俱杳杳。無邊幽夢總茫茫。惟應一念消除盡。頂禮牟尼一瓣香。

蕊林

庚戌春登棗園奎星樓有感

四 易首乾

極目山河淑氣催。蒼籠一抹畫圖開。水連天際驚鴻墮。春到枝頭待鳥回。百萬家迷煙霧裏。兩三帆帶夕陽來。紙
為也。作乘風想豎子。原來緊繫該。

孤雁謠

李執中

一雁小眠百雁酣。恬一雁不鳴百雁危。一雁不留百雁同。嗟爾百雁圖安恬。羣進以啄堅。相箝逐之甚。刻不
可淹。願此一雁何所圖。人皆交頸我獨無。勢可捨去意則不愉。意不愉胡為乎。一鳴聲尙舒。再鳴聲頗怒。三鳴四
鳴悲且苦。繼欲有鳴誰諒余。之肺腑吁嗟乎。一雁即鳴將死於喙。一雁不鳴將同玉碎。憂然一聲引身而退。一雁
退矣。戈人起矣。虞機張矣。百雁死矣。死雁紫棠滿川。陸盡是貪眠。酣睡族此中。應無孤雁肉。

君木養疴上海寄詩問訊

君 誨

別君忽已三十日。寂寂都無一紙書。蒼莽詩心應不減。支離病骨近何如。天涯消息繁殘夢。海國風煙入累歎。愁
思迷茫向誰道。獨摩淚眼倚窮閭。

病間歸里留別省齋師

君 木

百日沈疴今漸起。非公救我倘應難。直將明月懸心眼。能使春風着肺肝。攬鏡不愁生意盡。吟詩稍覺病懷寬。自
携面目還家去。拚許妻孥細細看。

郡城遇應叔申

慘佛

芙蓉秋。傍酒杯。鮮。愉。恍。前。塵。憶。少。年。風。雨。詩。聲。頻。獨。賞。江。湖。心。淚。暫。相。憐。書。生。自。誤。山。中。日。時。事。休。咨。醉。後。天。老。我。猶。能。濟。孔。跖。未。知。身。後。定。誰。賢。

郊遊雜詩

月石

茅屋三兩間。老嫗抱孫子。夕陽已在山。雞鳴暮煙紫。芳泉若有赴悠悠。去不還。白雲復何心。日暮出空山。蕭蕭道周樹。澄澄澗頭水。何事一經風。亦有濤聲起。

秋雨感懷

黃。花。驚。世。變。多。恨。況。經。秋。風。雨。高。樓。黯。乾。坤。滿。地。愁。糟。醜。懷。屈。子。豺。虎。念。神。州。何。事。江。南。客。牢。騷。動。暮。謳。

噴彌勒歌

哂研

西。方。有。佛。常。歡。喜。張。口。大。笑。天。下。士。不。寫。其。笑。寫。其。噴。笑。容。轉。作。噴。容。矣。轉。笑。而。噴。佛。何。為。佛。無。言。語。意。可。思。人。畏。金。剛。努。其。目。遂。玩。菩。薩。低。其。眉。佛。性。喜。善。不。喜。惡。欲。化。羣。生。孽。莫。作。人。不。信。佛。佛。不。噴。只。噴。信。者。亦。假。託。假。託。其。教。說。果。因。假。託。其。術。惑。愚。民。似。此。神。明。皆。忿。怒。豈。惟。佛。氏。能。噴。人。更。有。僞。學。好。排。譏。高。談。性。理。抉。精。微。白。日。昭。昭。行。可。飾。黑。夜。冥。冥。念。全。非。凡。此。皆。非。佛。所。取。雖。能。媚。佛。佛。愈。怒。寬。柔。其。心。猛。其。容。故。作。威。嚴。示。下。士。畢。竟。慈。悲。

藝林

五

藝林

六

根性生。相期乘庶善能行。有笑無噴。不為佛笑者。不測噴常情。我以此言語佛妙佛氏聞之。應一笑。

秋日同登鳳凰臺分韻得高字

超球

巍然傑構瞰江臯。攬勝猶傳有鳳毛。十里落霞孤塔碧。四山紅樹一臺高。長橋半落青天外。故國頻牽獨客騷。坐久不知雲滿袖。風吹秋色上吟毫。

遊葫蘆山石佛巖

磴道紆迴一徑賒。繞峯無路不盡蛇。居然地脈眠長柄。合與山靈貯九華。石佛何年開鬼斧。壺天隨處現曇花。此中別有開雞犬。嶺半編茅四五家。

陳芝楣中丞督修海塘取道吳淞觀風震川書院士民作頌賦綴簡

末

望之

江海交流此大觀。地形自古說蟠龍。兆人樂利爭銖土。百代訐謔仰上官。鐵錫虹隄全勢壯。金捐滙窟聖恩寬。迴瀾入報天顏霽。日月勳名定不刊。

吳淞東派落安江。絳節重瞻出上邦。別闌筴疇追畏壘。且陳水利靜驚瀧。名區俎豆千秋式。大冶鐘鏞萬杵撞。遙拱紫宸南斗朗。鴻文峻業兩無雙。

癸丑除夕

卓春

多難飄零路幾千。清開贏得我依然。梅花嶺外重為客。爆竹聲中又度年。幕府有巢容燕侶。家山無恙少魚箋。明朝究屬誰家朔。衰冕驕人大祀天。

重遊愉園懷宋漁父

斯人不見倏經年。舊地重過一泫然。仁義已全成大錯。帝王唯一是強權。禾登場圃牛應宰。花落郊原蝶欲仙。心事未完身健在。詎容瞻顧自遷延。

讀項羽列傳書後

起予

古有重瞳舜。復有重瞳羽。仁暴原殊途。論古莫泥古。我嘗讀漢書。一得恐無補。楚漢判興亡。興亡皆天數。義帝難成龍。將軍真如虎。五年霸業成。半生奇氣吐。非拒范增諫。天意識真主。非惜降卒坑。天心厭安撫。春溫繼肅殺。大造今可觀。英雄兒女情。不異此肺腑。俎上活爾翁。帳中泣楚舞。時來困真龍。運去阨田父。氣勢蓋西秦。禮義留東魯。勿以垓下泣。而思猛士武。勿以玉斗摧。而受謀臣侮。祿位雖不終。猶列王者伍。慎毋成敗論。論者乃迂腐。

題董劍厂按劍讀書圖

權予

歷階按劍欲何之。對月移書夜讀時。彈劍慢矜三尺利。窮經應悔十年遲。仰天太息韓王殿。養氣常親董子帷。連室相如司馬傳。丹青一幅寫英姿。

汎舟太湖放歌

枕流

藝林

七

藝林

八

太湖汪洋三萬六千頃。七十二峯出沒沈浸於其間。生長此地。不得孤負天關地軸。相迴環。我今買得蜻蜓舸。篙師險絕工。振柁曳開六扇篷。安坐甚帖妥。晨光熹微始出獨山門。雲容容兮列嵯峨。大波瀾合小波。淪三山。開裏作一鎖。亭午飽吃飯。漁翁慣吹火。願乘長風千里擲。波去斗然一支圓。溜瀉其左。徑路欲斷。風雲通。船逐浮瀾。西復東。餘霞滿天。幻作紺紫色。須臾山谷落日磨青銅。檣鳥宛轉收帆脚。新月欲上。驚魚鵲暮靄蒼蒼。四邊靜。頓開異境。相錯遠望。荒忽不可以辨識。但見珠宮貝闕。羽衣翠葆。紛綸而閃爍。涌出冰輪。大於鏡。千態萬狀。隨水歸壑。洞庭之峯。羣奔趨。枝山縹緲。椒與夫。白銀世界中。宛肖狎浪。鳧湖光寫不盡。攬勝徒區區。不如就此波。平似紙。萬幅鋪淋漓。揮灑墨點。巖狂歌。痛飲千百觚。翻身跳入壺。公壺天風颯颯。調笙竽。夢中幽興。不可遏。猶有山靈拍掌呼。

郵燈

飲荷

黃昏郵外路悠悠。數點燈光一色秋。岸畔浮煙收蟹舍。水邊瀉影捕魚舟。零星亂石知樵徑。落月疎林露酒樓。桃李芳園回首處。春宵秉燭憶前遊。

隣笛

橫笛高樓劇有情。隣窗側耳倍分明。當筵應倚黃金盞。隔屋疑吹紫玉笙。楊柳三春棲野店。梅花五月落江城。銷魂最是離亭晚。怕聽陽關第一聲。

古意五首

蟄 慮

華堂啟瓊筵。美人耀屏壑。笙歌聲夜沸。遊士如雲集。中有鼓琴者。臨風自掩泣。曲高和良難。落落無人合。伍員因吹簫。馮驩思彈劍。嗚呼此傷中。情徘徊以獨立。

乘舟陟巒阿。雖低不能上。騎馬渡江河。雖淺不願往。舟馬豈無用。位置貴不爽。粒米難為衣。黃金非願養。不有安步車。世途皆羅網。

讀書期得名。習買期得財。金張與許史。今日安在哉。我蝴蝶逐春花。難保花常開。人生逐名利。白髮忽相催。俯仰發長歎。一擲瑤瑤杯。

瀟瀟雙白鶴。巢雪松樹巔。俯視巖際草。惟有一寒蟬。卽蟬以比鶴。相去霄壤天。物理不易測。世情多變遷。鵬鷖來海外。萬里長風搏。大木盡摧折。小草獨蔓延。雙鶴相背飛。一蟬抱露眠。託身忘太高。勿謂天心偏。

不入巢由羣。不入伊呂佐。燕臺千金骨。龍門十倍價。離糞牧豎奴。一旦朱轂駕。雖曰非其有。胡乃已久假。臨風颯紙鳶。吹上還吹下。世路若荆棘。吾心若斧斤。斧斤所不到。荆棘日以紛。遭際若流水。行誼若泉源。流水杳然去。泉源依舊存。悠悠嗟日月。渺渺思乾坤。安得御風行。天路邀羨門。

雪後

南 邨

霏霏積樹復沾幃。半撲窗紗半點衣。世外何人稱逸侶。天涯無客不思歸。長堤日暮楊花老。小院風寒梅幹肥。清

蕊 林

九

民權素第 十 四 集

趣誰家消受得山中鎮日掩柴扉

不寐

遠雁哀哀盡夜鳴。匡床不寐數長更。秋來多少驚心事。第一風聲和雨聲。

哀東隣女

簪超

有女住東隣。問年可十五。自云常氏裔。生長非斯土。伯叔居詞垣。鳴珂遊仙署。阿父舉於鄉。馳驅在王路。旋擢二千石。今守建甯府。關山阻且長。蒼茫隔雲樹。悵悵何所之。依僕延朝暮。誰知今非昔。反僕而為主。箕帚或稽顙。呵撻時相取。鐘因飯後敲。雨為花開始。昨夜北風緊。今夕寒如許。可憐身上衣。不費幾絲縷。

詞

芳草

水仙花自山谷有一笑橫江之句以謝西大漢縣十八女郎贈破矣作此正之

壬秋

又相逢。深寒籠暮。晴光燈燄。參差素蘭。羞蕪瘦。銅瓶湘兒外。占春宜。瑤姬慣嫁。甚遠來。暗損腰支。看萬里。輕車細馬。玉帶瓊肌。拋離一分塵土。不須風露。自省芳時嫩。黃三四箭。暗香疏影。地搖曳。煙塵伴。晨妝夜盥。卻未妨。汚粉凝脂。怪只怪。橫江誤了一笑幽期。

玲瓏四犯

泊園納涼用白石詞

樊山

隔柳細蟬。啄芹輕燕。珠簾低捲。花干小池。新藕嫩瘦。石蒼苔古。將西更裁。竹樹釀滿。湘萬竿。煙雨玉水。鳴渠綠陰。